

Kodi ya mimba, nani alipe?



**Jishindie kompyuta
ndani!**

Kijitabu hiki kimetayarishwa na watendaji wa Tamasha kwa kushirikiana na Twaweza

Waandishi:

Richard Mabala na Winston Churchill Shauri

Mchoraji:

Daniel Mzena

Wahariri:

Rakesh Rajani, Evarist Kamwaga, Joseph Ngwegwe na Justice Rutenge

Usanifu:

Winston Churchill Shauri



©Tamasha/Twaweza 2012

Barua: S.L.P. 15044, Arusha, Tanzania

Simu: +255 719 751 928

+255 787 220 233

Barua pepe: rmabala@yahoo.com

wchachi@yahoo.com

Tovuti: www.tamashavijana.org

Unaruhusiwa kunakili sehemu yoyote ya kijitabu hiki kwa sababu zisizo za kibiashara tu. Unachotakiwa kufanya ni kunakili chanzo cha sehemu uliyonakilia na kutuma nakala mbili kwa Tamasha.

Utangulizi

Ndugu wasomaji,

Hivi karibuni, Mkuu wa Mkoa wa Mbeya aliwaagiza madiwani kutunga sheria ndogo za kuwakamata wanafunzi wa kike wanaopata mimba. Alisema:

"Wakilala ndani watawataja waliowapa mimba ndipo sheria za nchi zitaifuatwa...Mpango wa kuwakamata waliowapa mimba wanafunzi hautoshi kukomesha tatizo hili, sasa tuwakamate na ninyi wenye mimba, labda tumwache aliyebakwa tu, lakini wengine mmepata kwa hiari yenu na hakuna sababu ya kutowachukulia hatua".

Kauli kama hizo zimetolewa na viongozi mbalimbali maana idadi ya wanaopata mimba inatisha. Kwa mujibu wa Wizara ya Elimu na Mafunzo ya Ufundi katika kipindi cha 2004-8, wasichana 28,590 wakiwepo 11,599 wa sekondari na 16,991 wa msingi walikatishwa masomo kwa sababu ya kupata mimba. Kutokana na ongezeko la shule za sekondari, yawezekana idadi inazidi kuongezeka.

Ni rahisi kuwalaumu wasichana wenyewe bila kuangalia mazingira yanayowasababishia kupata mimba. Katika utafiti wa kitaifa kuhusu ukatili dhidi ya watoto, iligundulika kwamba karibu theluthi ya wasichana wamenyanyaswa kijinsia. Kati yao, 5% wamelazimishwa kufanya ngono wakati ni watoto. Robo walisema kwamba walipofanya ngono mara ya kwanza, ama walidanganywa ama walishinikizwa ama walilazimishwa.

Hali hii inaonyesha kuna ulinzi dhaifu wa wasichana. Wao bado ni watoto, miili yao na akili zao hazijapevuka. Wengi sana wanadanganywa na wanaume wanaowazidi umri na mbinu.

Tufanye nini kukomesha hali hii?

Richard Mabala
Mkurugenzi, Tamasha

Wahusika



Mjasiriamali, mchambuzi wa mambo
na mkereketwa wa maendeleo

Bonge:



Mwelimishaji rika, mchambuzi na
mwanaharakati

Bibiye:



Kiongozi anayesikiliza na kuheshimu
vijana. Mpenda maendeleo lakini
anaamini zaidi msaada kutoka nje
kuliko nguvu ya wananchi

Mwenyekiti:



Mchapakazi lakini mrasimu. Hapendi
vijana na azma yao ya kuchukua
hatua wenyewe

Mtendaji:



Msichana aliyebakwa

Rehema:




Jamani
baba unaniua...
... Unaniua...

Kufa ibilisi
wewe. Nili kupeleka
shule usome siyo
ufanye uhuni!









Unajua huyu ni msichana
wa kumi na moja mwaka
huu. Mara walimu,
mara wenye nyumba,
mara kutafuka
pesa za matumizi.
Aaaagh!

Haya
wengine twendeni.
Anahitaji
mapumziko
si umbea.

Kwa mshauri nasaha

Samahani jamani
Siwezi kufanya kitu.
Ukitaka kushtaki
Ubakaji lazima uje
mara baada ya
tendo kutokea.

Najua mama. Lakini
ameharibu maisha
yake kabisa. Huyu si
mwanafunzi? Na ana
miaka 16 tu.



Atatutambua!
Watatutambua
wote!

Vijana wanajipanga

Lakini hakuna
kushika jiwe wala
kupiga yowe,
mwasikia? Kimya.



Wanazingira nyumba

Nimeita
wana mgambo.
Mtakoma
ibilisi wakubwa
nyie.


















Mwenyekiti, nimefurahi kwamba umeitisha mkutano huu. Bila kuwatia adabu hawa watoto wetu, wataharibika kabisa.

Ndiyo kutwa kurandaranda mitaani watasoma saa ngapi?

Mbona hivyo. Hebu tuwasikilize na wao.
















Laiti tungekuwa na bweni
kwa wasichana. Tuombe
pesa wilayani kisha tujenge.

Ndiyo tusaaidiane
kujenga, lakini
itachukua muda
mrefu.

Sawa lakini tukomeshe
tabia hii kwanza. Vinginevyo,
hata bweni halitazuia.

Viongozi wa dini
watusaidie katika hayo.
Unyanyasaji ni dhambi
kubwa sana.

Na ili kuhakikisha kwamba mambo hayo hayatokei shuleni, wanafunzi wata-mchagua mwalimu mmoja awe mlezi wao. Yeye ndiye atakayesikiliza masuala hayo.



Sawa, lakini haitoishi hata kituo chetu cha vijana kitakuwa wazi kwa msichana yeyote mwenye matatizo.

Njoo hapa
mwanangu.
Laiti ningejua!

Hukutaka kujua
mzee. Mlimfukuza.
Lini tutajifunza
kulea?





Je wajua?

1. Unyanyasaji kijinsia wa mtoto unamwathiri kimwili, kimaadili, kihisia na kiakili kwa maisha yake yote. Anaweza kujiona duni, asijijali na kujipeleka kwenye vitendo hatarishi.
2. Kwa mujibu wa sheria, kufanya ngono na msichana chini ya miaka 18 inahesabiwa kuwa kosa la ubakaji. Hii ni kwa sababu bado hajakua vya kutosha kiakili na kimwili.
3. Licha ya sheria kali, ubakaji unazidi kushamiri, hasa kwa kuwa wabakaji huchukuliwa hatua mara chache.
4. Katika utafiti uliosimamiwa na Serikali
 - a. Ubakaji hutokea zaidi saa za mchana.
 - b. Majirani na wageni walitambulika kuwa wabakaji zaidi.
 - c. Vijana wa kiume pia nao wanalazimishwa kufanya ngono.
 - d. Nusu ya wasichana na theluthi mbili ya wavulana hawakumwambia mtu baada ya kunyanyaswa kijinsia.
 - e. Asilimia 80 ya wasichana na asilimia 90 ya wavulana hawakutafuta huduma baada ya kunyanyaswa.
 - f. Watoto walionyanyaswa kijinsia wako hatarini zaidi kuambukizwa UKIMWI kwa sababu ya kufanya ngono isiyo salama¹.
5. Katika utafiti wa TAMASHA:
 - a. Wasichana walisema wanatongozwa angalau mara kumi kwa siku.
 - b. Wasichana hawajaandaliwa kuhimili shinikizo kama hizo nyumbani wala shuleni.
 - c. Wilaya ambapo wasichana wengi zaidi wanapanga chumba ili waende sekondari ndiyo wilaya ambapo kuna mimba nyingi zaidi.
6. Tukumbuke kwamba leo ni msichana yule, kesho ni mtoto wangu.

¹ Takwimu zote zinatokana na Violence Against Children in Tanzania (URT, 2011)



Tufanye nini?

Kwanza, ni vizuri kufahamu hali halisi ya jamii yetu. Wasichana wanaweza kufanya utafiti kwa wasichana wenzao ili kupata picha kamili na pia wasichana wenyewe wanaona hatua gani zichukuliwe.

Katika jamii nyingine, viongozi wakishirikiana na vijana:

- Wanadhibiti ushiriki wa watoto katika maeneo hatari kama vile disko na video au ngoma za usiku wa manane.
- Wanafanya mipango ya kuwalinda wasichana hasa katika maeneo kama vile kwenda kisimani, kutafuta kuni au shambani.
- Wanawashirikisha vijana kuwalinda vijana wenzao.
- Wanachukua hatua dhidi ya wanaoonekana wananyasaji.

Shindano

Toa maoni, jishindie kompyuta!

Ndugu msomaji, hivi karibuni Serikali ya Tanzania imeahidi kuboresha utoaji wa huduma kwa wananchi.

Kupitia mpango huu, Serikali inataka kukusikia.

Toa maoni yako kuhusiana na upatikanaji wa huduma za msingi za kijamii; maji, elimu na afya.

Tuambie wazo moja kuboresha elimu, afya au maji. Halafu, tuambie mwananchi afanye nini kuleta mabadiliko.

Kila baada ya miezi mitatu kwa mwaka 2013, maoni kumi bora yatachaguliwa na kila shule itakayotoa washindi itapatiwa kompyuta ndogo mbili (laptops). Pia, maoni ya washindi yatachapishwa kwenye vitabu na tovuti.

Sharti: Kila mtu anaweza kutuma maoni, lakini zawadi zitatolewa kwa watakaondika *kupitia* shule zao tu.

Tuma maoni yako kabla ya tarehe 1 Novemba, 2013

Anuani: OGP Tanzania, S.L.P 38342, Dar es Salaam

Barua pepe: unasemaje@gmail.com

Kumbuka kuweka taarifa hizi:

- Tarehe
- Majina kamili, umri wako, jina la shule; jinsia (me/ke)
- Anuani kamili: SLP na makazi (kata, wilaya na mkoa); namba ya simu; barua pepe

Mpango wa Kimataifa wa Kuendesha Shughuli za Serikali kwa Uwazi (Open Government Partnership - OGP).



Mpango wa OGP unahimiza shughuli za Serikali zierendeshwe kwa uwazi zaidi ili kuboresha utoaji wa huduma kwa wananchi, mwikio wa Serikali, kupambana na rushwa na kujenga kuaminika zaidi. Twaweza inashirikiana na Serikali kuendeleza uwazi na ushiriki wa wananchi kupitia Mpango wa OGP.